



Aqqalu C. Jerimiassen

UPA 2024/133 - 1

Atassut

24. april 2024

**Nakorsat namminersortutut nunatsinni aallartitsisinnaannornissaat anguniarlugu  
Naalackersuisut inatsisiliornissamik peqquneqarnissaannik Inatsisartut  
aalajangiiffigissaattut siunnersuut.**

(Inatsisartuni ilaasortaq Doris Jakobsen Jensen, Siumut)

Nuannaajallappunga una siunnersuut takullugu. Naak isumaqatigiinngissutigisartakkagut amerlagaluaqisut ilaatigut anguniakkagut assigiittarmata.

Malugisimassavarsimi arlaleriarluta taannarpiaq pillugu paragraf 37-inik Naalackersuisunut apeqquteqaasiorlitalu ukiut arlariit Inatsisartuni siunnersuuteqartarsimagatta, aamma ukiakkut ataatsimiinitsinni siorna. Oqareersinnaavungalu una siunnersuut taperserumallugu iluatsittariaqavissormat.

Uaguttaaq nakorsat oqariartuutaat naalaarpagut, piumassuseqarnerallu isumalluarnartoqartillugu. Taamaattumik uuma siunnersuutip aappasaaniinnginnerani nakorsat kattullutik oqariartuutaat ilanngullugit ataatsimiititaliami suliarineqarnissaa innersuussutigissavarput. Taakkumi ilisimaarilluarpaat massakkut pissutsit atuutsillugit inatsisitigut suut tulluarsagassaanersut, naak Naalackersuisut oqaraluartut massakkut periarfissaareersaq.

Ilanngullugulu eqqaarusupparput siorna oqallisissiassatut qaqinnikuusarput, namminersortunut nakorsiarinnaanissamat, kiisalu uagut peqqinnissaqarfitsinnut atatillugu sundhedssikringeqalersinnaaneranut suliaq ilanngullugu qaqinneqarsinnaammat. Taamaaliornikkummi aamma pissakinnerit pinartoqartillugu peqqinnissaqarfippat piffissaqanngikkaangat akunnerarpujussuit utaqqinngikkaluarlutik namminersortumut nakorsiapallassinnaanissaat aamma ammaanpeqarsinnaammat.

Taamaalilluta siunnersuut ilalerlugu akuersaarpugut, Naalackersuisullu suliamut misissuinernullu aallartereersimasumut ilanngullugu allannguutissatut siunnersuummut tapersiilluta peqqissutsimut ataatsimiititaliamut innersuupparput.